

## JARÐRÆKTARSAMÞYKKT

23

13. febr.

fyrir Búnaðarfélag Hörgslandshrepps og Búnaðarfélag Kirkjubæjarhrepps.

Búnaðarfélög Hörgslands- og Kirkjubæjarhreppa gera á grundvelli laga nr. 7 12. jan. 1945 svo fellda ræktunarsamþykkt.

### I. KAFLI

Takmörk samþykktarsvæðisins og markmið.

#### 1. gr.

Samþykktarsvæðið nær yfir félagssvæði eftirgreindra hreppabúnaðarfélaga: Búnaðarfélags Hörgslandshrepps og Búnaðarfélags Kirkjubæjarhrepps í Vestur-Skaftafellssýslu.

#### 2. gr.

Ræktunarsambandið tekur að sér, á þann hátt, sem fyrir er mælt í samþykkt þessari, eftirgreind verkefni á öllum jörðum á samþykktarsvæðinu, að undanskildum þeim, er falla undir ákvæði 5. kafla jarðræktarlaga, nr. 54 4. júlí 1942, um búferlaflutning.

1. Að ræsa fram land til túnræktar, garðræktar, beitiræktar og engjaræktar. Tekur framkvæmd verksins til fullnaðarframræslu á landinu, á opnum skurðum, svo og lokræsum, þar sem þess gerist þörf, eins og fyrir er mælt af trúnaðarmanni, er Búnaðarfélag Íslands samþykkir til að hafa á hendi undirbúning um hvernig verkið skuli framkvæmt.
2. Að framkvæma jarðvinnslu á tünnum jarða á félagssvæðinu, sem ekki eru véltæk, nær það til plægingar, herfingar og jöfnunar landsins. Hverjar vinnsluáðferðir verða viðhafðar á hverjum stað, fer eftir fyrirsögn trúnaðarmanna Búnaðarfélags Íslands.
3. Að taka að sér jarðvinnslu til nýræktar túna eða garða, nær það til fullnaðarvinnslu landsins á sama hátt og gert er ráð fyrir í síðustu málsgrein undir 2. lið.
4. Að framkvæma sléttun engja, svo að þær verði véltækar, hvort heldur er gert með völtun, vinnslu landsins, flóðgarðahleðslu eða öðrum aðferðum eftir fyrir-sögn trúnaðarmanna Búnaðarfélags Íslands.

### II. KAFLI

Skipun og verksvið framkvæmdastjórnar.

#### 3. gr.

Á almennum fundi í hreppabúnaðarfélagunum skal kjósa einn kjörmann fyrir hverja tíu félagsmenn, til þess að senda á aðalfund ræktunarsambandsins. Þessir kjörmenn kjósa sambandinu þriggja manna framkvæmdastjórn; skal hún kjörin til þriggja ára í senn. Gengur einn maður úr stjórn árlega. Tvö fyrstu árin eftir hlutkesti og síðan í röð eftir starfsaldri. Stjórnarnefndarmenn má endurkjósa.

#### 4. gr.

Stjórnin skiptir með sér verkum. Formaður boðar til allra funda og stýrir þeim. Ritari sér um bókun fundargerða. Gjaldkeri hefur á hendi reikningshald fyrir allar þær framkvæmdir, sem gerðar eru á grundvelli samþykktarinnar og annast allar innheimtur og greiðslu eftir ávísun formanns.

23

13. febr.

Stjórn ræktunarsambandsins annast kaup á nauðsynlegum vélum og verkfærum til skurða og lokræsagerðar, svo og jarðvinnsluvélum, en skylt er henni samkvæmt 8. gr. laga um jarðræktar- og húsagerðarsamþykktir í sveitum að hafa samráð við verkfæranefnd ríkisins um kaup og val á vélum.

6. gr.

Stjórnin sér um kaup á öllu því, er með þarf til reksturs og viðhalds þeim vélum og áhöldum, er keypt verða.

7. gr.

Stjórnin annast um allan rekstur vélnanna. Henni ber að gera og undirrita alla verktökusamninga við hina einstöku framkvæmdaaðila á sambandssvæðinu, og ákveður á hverjum tíma og í hverri röð verkefni eru tekin, sem unnið skal að.

8. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn; getur hún með erindisbréfi falið honum framkvæmdastjórn um daglegan rekstur og umsjón með verkstjórn vinnuflokka.

9. gr.

Allir samningar, sem stjórnin og framkvæmdastjórn gera fyrir hönd ræktunarsambandsins, samkvæmt samþykktum þessum eða aðalfundum ræktunarsambandsins eru skuldbindandi fyrir félagsheildina og hreppabúnaðarfélagin, er að samþykkt standa, án þess að það hafi verið sérstaklega undir þá borið. Stjórn og framkvæmdastjóri bera ábyrgð gerða sinna fyrir aðalfundi sambandsins.

### III. KAFLI

#### Um tilhögun framkvæmda.

10. gr.

Skyllt er stjórn ræktunarsambandsins að skrá verkbeiðnir félagsmanna fyrir febrúarlök ár hvert. Skal þar tilgreint hvaða jarðabætur óskað er að séu unnar á því ári, svo og verkmagn þeirra. Skýrslunum fylgi greiðsluskuldbinding frá verkkaupendum um að þeir takist á hendur ábyrgð á greiðslunni fyrir þau verk, sem unnin verða hjá þeim á því ári.

11. gr.

Að fengnum þeim skýrslum, er um ræðir í 10. gr., ber framkvæmdastjórn ræktunarsambandsins að semja starfs- og rekstraráætlun fyrir yfirstandandi ár. Rísi ágreiningur innan framkvæmdastjórnar um veigamikil atriði framkvæmdaáætlunarinnar, ber að leggja hana fyrir aðalfund sambandsins til samþykktar. Framkvæmdastjórn er skylt að framfylgja samþykkttri starfsáætlun eftir því, sem við verður komið.

12. gr.

Við undirbúning framkvæmdaáætlunarinnar sé þess sérstaklega gætt:

1. Að jarðir þær, sem minnst véltækt land hafa, sitji fyrir vinnu, eftir því sem við verður komið, án þess að valda óhæfilegum aukakostnaði í flutningi véla og verkfæra.
2. Að túnasléttun sé að öðru jöfnu látin sitja fyrir öðrum ræktunarframkvæmdum.
3. Að land það, sem brjóta á til ræktunar, hafi verið ræst fram á fullnægjandi hátt, að dómi trúnaðarmanns Búnaðarfélags Íslands.

4. Að framræsla bithaga komi því aðeins til greina, að fullnægt hafi verið framræsluverkefnum vegna tún-, garð- og engjaræktar á þann hátt, að það tefji eigi jarðvinnsluna, svo því marki verði náð, að allur heyfengur verði tekinn á vél-færu landi. 23  
13. febr.

#### IV. KAFLI

##### Um verðlagsáskvarðanir og greiðslu kostnaðar.

###### 13. gr.

Kostnaður við framkvæmdir, er í samþykkt þessari getur, greiðist af verkkaupanda, eftir þeim skildaga og á þann hátt, er tilgreint verður í verktökusamningi þeim, er um getur í 7. gr. þessarar samþykktar.

Heimilt er stjórn ræktunarsambandsins að láta greiðslur fara fram eftir áætluðum verktöxtum meðan verkið stendur yfir ár hvert, en fullnaðargreiðsla sé byggð á tilkostnaðarverði, eins og það verður samkvæmt rekstursreikningi hvers árs. — Áætlaðir verktaxtar séu miðaðir við tímaeiningu.

###### 14. gr.

Til reksturskostnaðar telst greiðsla vinnulauna, allur reksturskostnaður véla og greiðslur fyrningargjalda af þeim, kostnaður við flutninga þeirra á milli vinnustaða, geymsla vélanna, viðhald þeirra, er stafar af eðlilegu sliti, vaxtagreiðslur, kostnaður við verkstjórn og stjórnarkostnaður. Heimilt er framkvæmdastjórn að ákveða og leggja á framkvæmdakostnað áhættuþóknun, er nemi allt að 5% af heildarverkkostnaði hvers árs.

###### 15. gr.

Aðalfundur ræktunarsambandsins getur heimilað framkvæmdastjórn að taka ákveðin verk, sem tilgreind eru í 2. gr. þessarar samþykktar, í ákvæðisvinnu, enda sé lögð fyrir aðalfund kostnaðaráætlun og verklýsing af því, sem vinna á.

###### 16. gr.

Heimilt er framkvæmdastjórn á þeim tímum, sem ekki er unnt að vinna að skurðgrefti, lokræsagerð eða jarðvinnslu fyrir samþykktaraðila, að taka að sér verkefni fyrir búendur eða hreppsfélag eða aðra aðila á sambandssvæðinu, þó að þau falli ekki undir ákvæði í 2. gr., ef tryggt er að það sé hagkvæmt fyrir ræktunarsambandið, enda sé tryggt að vélakostur sé ekki festur við þessi störf, svo að það brjóti í bága við hagsmuni bænda á samþykktarsvæðinu.

###### 17. gr.

Rekstursafgangur af áhættuþóknun, svo og ágóði er verður af ákvæðisvinnu eða af þeim verkum, er um getur í 16. gr., skal leggjast í stofnsjóð ræktunarsambandsins, og varið samkv. ákvæðum þeim, er um hann gilda, sbr. 18. gr.

#### V. KAFLI

##### Fjáröflun og tryggingar.

###### 18. gr.

Ræktunarfélagið myndar stofnsjóð til vélakaupa að upphæð 100 þús. krónur — eitt hundrað þúsund krónur —.

1. Einn fjórði þessarar upphæðar greiða búnaðarfélögin sem óafturkræft framlag að jöfnu.
2. Einn fjórða leggja búnaðarfélögin sem lán til stofnsjóðs, einnig að jöfnu.

- 23 3. Helmingur stofnsjóðsins er framlag framkvæmdasjóðs ríkisins, sbr. ákvæði 9.  
13. febr. gr. laga um jarðræktar- og húsagerðarsamþykktir í sveitum. Rennur það í stofn-  
sjóð jafnóðum og styrktargreiðslur fara fram samkv. ákvæðum téðra laga.
4. Auk þess leggjast í stofnsjóð árlegar tekjur þær, sem inn koma samkvæmt ákvæðum 17. gr.

19. gr.

Stofnfjárframlag hreppabúnaðarfélaganna greiðist inn til framkvæmdastjórnar, þá er samþykkt þessi hefur öðlzt gildi.

20. gr.

Komi í ljós síðar, að álit framkvæmdastjórnar, að auka þurfi stofnsjóð, ber henni að gera rökstuddar tillögur um stofnfjárukningu og tilkynni það hreppabúnaðarfélagunum, áður en að fulltrúar eru kosnir á aðalfund ræktunarsambandsins. Ef meiri hluti löglega kjörinna fulltrúa á aðalfundi sambandsins ákveða stofnfjárukningu, er hún bindandi fyrir hreppabúnaðarfélagin.

21. gr.

Heimilt er framkvæmdastjórn að taka rekstrarlán gegn tryggingu í þeim jarðræktarstyrk, er á umbæturnar verður greiddur úr ríkissjóði, samkv. öðrum og fimmta kafla jarðræktarlaga.

22. gr.

Skylt er framkvæmdaaðilum að hafa greitt til framkvæmdastjórnar  $\frac{3}{4}$  af áætlunum beinum kostnaði þeirrar vinnu, er þeir hafa pantað, áður en verkið er hafið. Eftirstöðvarnar greiðast með gjalddaga, er verktökusamningur ákveður.

## VI. KAFLI

### Um reikningshald og endurskoðun.

23. gr.

Reikningsár félagsins er almanaksárið og skal reikningsskilum lokið svo tímanlega, að endurskoðun geti farið fram áður en aðalfundur ræktunarsambandsins er haldinn. Skulu endurskoðendur sannprófa að reikningunum beri saman við bækur framkvæmdastjórnar.

24. gr.

Endurskoðendur séu tveir kosnir á aðalfundi ræktunarsambandsins til eins árs í einu. Þeir skulu kynna sér reksturinn sem bezt, og hafa eftirlit með starfrækslu framkvæmdastjórnar í hvívetna.

25. gr.

Endurskoðaðir reikningar skulu lagðir fram á aðalfundi ræktunarsambandsins, til samþykktar, sem haldinn skal fyrir lok marzmánaðar ár hvert. Þar gefur framkvæmdastjórn skýrslu um starfsemina svo og endurskoðendur, ef tilefni er til þess.

## VII. KAFLI

### Um breyting samþykktar og hvernig samþykkt verði úr gildi felld.

26. gr.

Tillögur, er fram kunna að koma til breytinga á samþykkt þessari frá hreppabúnaðarfélagunum, skulu sendar stjórn ræktunarsambandsins, er sendir þær til umsagnar til allra þeirra aðila, er að samþykkt þessari standa. Þær skulu síðan, ásamt

umsögnum búnaðarfélaganna lagðar fyrir aðalfund ræktunarsambandsins. Samþykki 23 löglegur aðalfundur breytingarnar með að minnsta kosti  $\frac{3}{5}$  atkvæðisbærra fulltrúa, 13. febr. skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

## 27. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggi fyrir um að tilgangi samþykktta verði ekki náð, og lögmætur aðalfundur ræktunarsambandsins samþykki það með að minnsta kosti  $\frac{3}{5}$  atkvæðisbærra fundarmanna, enda komi samþykki landbúnaðarráðherra til.

## 28. gr.

Nú er samþykkt úr gildi felld samkv. 27. gr. og renna þá eignir ræktunarfélagsins til búnaðarféлага Hörgslands- og Kirkjubæjarhreppa. Skiptast þær eftir sömu reglum og farið var eftir við framlög til stofnsjóðs ræktunarfélagsins.

## 29. gr.

Með brot á samþykkt þessari skal farið sem almenn lögreglumál.

## 30. gr.

Samþykkt þessi gengur í gildi er hún hefur verið staðfest af landbúnaðarráðherra.

Samþykkt þessi, sem er sett samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20. febrúar 1946, staðfestist hér með til að öðlast gildi þegar í stað, og birtist til eftirbreytni öllum þeim, er hlut eiga að máli.

*Landbúnaðarráðuneytið, 13. febrúar 1950.*

**Jón Pálmason.**

*Árni G. Eylands.*

## REGLUGERÐ

um breyting á reglugerð nr. 171 2. sept. 1947, um barnavernd á Akranesi.

24

30. jan.

1. gr. reglugerðarinnar orðist þannig:

Í umdæmi barnaverndarnefndar Akraness er börnum, yngri en 12 ára, eigi leyfilegt að vera á almannaferi seinna en kl. 20 á tímabilinu frá 20. september til 15. apríl og ekki seinna en kl. 22 hinn tíma ársins, nema í fylgd með fullorðnum. Foreldrar eða forráðamenn barnanna skulu sjá um, að ákvæðum þessum sé framfylgt.

Reglugerð þessi, sem sett er samkvæmt heimild í lögum nr. 29/1947, um vernd barna og unglinga, öðlast þegar gildi.

*Menntamálaráðuneytið, 30. janúar 1950.*

**Bjarni Benediktsson.**

*Birgir Thorlacius.*